

D^a. M^a JESÚS LAGO REY, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión extraordinaria e urxente do **30 de decembro de 2014**, adoptou o seguinte acordo:

4.- ADXUDICACIÓN DO PROCEDEMENTO ABERTO PARA A CONTRATACIÓN DAS OBRAS DE HUMANIZACIÓN DA RÚA MARÍA BERTIALES. EXPTE. 2757/440.

Examinadas as actuacións do expediente, visto o informe de fiscalización de data 29.12.14 , dáse conta do informe-proposta de data 26.12.14, asinado pola secretaria da Mesa de Contratación, que di o seguinte:

A mesa de contratación do Concello de Vigo, na súa sesión de data 26 de decembro de 2014 as 13.30, realizou entre outras, as seguintes actuacións:

5.- Propostas de adxudicación.

a) *Procedemento aberto para a contratación das obras de humanización da rúa María Bertiales (expediente 2757-440)*

LEXISLACIÓN APLICABLE

- *Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).*
- *Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).*
- *Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Lexislativo 3/2011.*
- *Prego de cláusulas administrativas particulares para a contratación por procedemento aberto das obras de humanización da rúa María Bertiales (PCAP).*

ANTECEDENTES

Primeiro.- A Xunta de Goberno Local, na sesión do día 19 de decembro de 2014, adoptou o seguinte acordo:

“Primeiro.- Clasificar, de acordo cos criterios de adxudicación sinalados no prego, as proposicións admitidas no “Procedemento aberto para a contratación das obras de humanización da rúa María Bertiales. Exped 2757-440, no seguinte orde decrecente:

1	PETROLAM A VEIGA, S.L.	92,75
2	CIVISGLOBAL, S.L.:	90,68
3	ORESA, S.L.	88,95
4	COPCISA, S.A.	86,21

5	UNIKA PROYECTOS Y OBRAS, SAU.	84,98
6	CONSTRUCCIONES RAMÍREZ, SLU.	84,92
7	CONSTRUCCIONES VALE, S.L.	82,91
8	STRADIA INFRAESTRUCTURAS, S.L.	81,75
9	CONSTRUCTORA SAN JOSÉ, S.A.	81,26
10	XESTIÓN AMBIENTAL DE CONTRATAS, S.L.	80,57
11	CONSTRUCCIÓN OBRAS E VIAIS, S.A.	75,83
12	UTE CONSTRUCCIONES CASTRO FIGUEIRO, SLU. - ALTRASAN	72,86
13	EMERGIS CONSTRUCCIÓN, S.L.	71,05
14	MONTAJES J.M. IGLESIAS, S.L.	69,25
15	LANCER PROYECTOS Y OBRAS, S.A.	68,40
16	ARIAS HERMANOS CONSTRUCCIONES, S.A.	66,68
17	ORECO, S.A.	60,99
18	HORDESCON, S.L.	58,26
19	T.A. ISIDRO HERMANOS BLANCO TRIGO, S.L.	46,14
20	ESPINA OBRAS HIDRAULICAS, S.A.	43,34

Segundo.- Requirir ao licitador clasificado en primeiro lugar, PETROLAM A VEIGA, S.L. para que presente, no prazo de cinco días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):

- *Declaración responsable de non estar incurso en prohibición de contratar.*
- *Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.*
- *A documentación esixida na cláusula 8 do prego de cláusulas administrativas particulares.*
- *Póliza do seguro de responsabilidade civil por un importe mínimo de 600.000 euros.*
- *Resgardo da garantía definitiva esixible de acordo co disposto na cláusula 22 do prego de cláusulas administrativas particulares.*
- *Declaración responsable designando o seu delegado coas funcións descritas na cláusula 27.11 do PCAP.*
- *Compromiso de adscrición á execución do contrato dos medios persoais e materiais esixidos no apartado 6 E das FEC.*

Terceiro.- Requirir ao citado licitador o aboamento de 657,22 euros en concepto de custe dos anuncios de licitación”.

Segundo.- Este acordo foi notificado ó licitador clasificado en primeiro lugar o día 19 de decembro de 2014, que presenta a documentación requirida en data 26 de decembro de 2014, dentro do prazo sinalado.

Terceiro.- Revisada a documentación presentada na sesión da Mesa de contratación de data 26 de decembro de 2014, e dado que esta é correcta, a Mesa, por unanimidade dos membros presentes, acorda propoñer ó órgano de contratación a adxudicación do presente procedemento.

FUNDAMENTOS XURÍDICOS

Primeiro.- A nosa lexislación contractual impón ó órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar como a solicitada de oficio pola administración municipal, e comprobado que esta é correcta, procede adxudicar o presente contrato.

Segundo.- A competencia para formular a proposta de adxudicación ao órgano de contratación correspóndelle á Mesa de contratación. A proposta se realizará a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A oferta economicamente máis vantaxosa para a administración contratante é a formulada por PETROLAM A VEIGA, S.L., á vista dos informes do xefe de Área de Fomento de datas 18-12-2014 e 19-12-2014. Estes informes poderán consultarse no perfil do contratante do Concello de Vigo.

Terceiro.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar á PETROLAM A VEIGA, S.L., o procedemento aberto para a contratación das obras de humanización da rúa María Berdiales, por un prezo de 418.525,99 euros (IVE engadido) e coas seguintes prestacións adicionais:

- *Incrementa o prazo de garantía en 96 meses.*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a trinta de decembro do ano dous mil catorce.

me

V. e Pr.
O ALCALDE,

Abel Caballero Alvarez.